

جریدہ علمیہ

مشیت جلیلہ اسلامیہ مکہ جریدہ رسیہ سید

ربیع الآخر ۱۳۳۴ [*]

عدد: ۶۶

آیدہ بر نشر اول نور

اوپن جی سنہ

فتاویٰ شریف

غسل :

زید ناٹم اویانوب بدنندہ یا ثوبندہ یا شلق بولدقده تذکر احتلام ایتمسون ایتمسون اول یاشلغک منی اولدیغنه ظن غالبی اولسه ویامنی ایله مذی ویا منی ایله ودی ویابواوچی بیتندہ شک ایلسہ یاخود تذکر احتلام ایدرک مذی اولدیغنه ظن غالبی اولسه ویا مذی ایله ودیدن هانکیسی اولدیغنه شک ایلسہ غسل لازم اولورمی الجواب : اولور .

بوصورتده زید تذکر احتلام ایتمسون ایتمسون اول یاشلغک ودی یاخود تذکر احتلام ایتمیه رک مذی اولدیغنه ظن غالبی اولسه یاخود مذی ویاودی اولدیغنه شک ایلسہ ویاخود اویقودن اولجه ذکر منتشر اولوب اویاندقده احلیلنده یاشلق بولسه غسل لازم اولورمی الجواب : اولماز .

* *

صلات :

امام اولان زید صباح نمازینک فرضنده برنجی رکعتده الرحمن ایکنجی رکعتده والضحی کبی سورہ شریفه لری اوقومغله برنجی رکعتی ایکنجی رکعت اوزرینه زیاده اوزاتمسندہ بآس اولورمی الجواب : اولماز .

* *

نکاح :

هندبالغه نفسی شهود محضر لرنده شو قدر غزوش مهر مثلی ایله کفوی زیده تزویج زید دخی تزوج وقبول ایلسہ عقد مزبور صحیح اولورمی الجواب : اولور .

* *

زید رضا ارقرنداشی عمروک نسباقرقنداشی هندی تزوج ایتمک جائز اولورمی الجواب :

اولور .

* *

زیدک زوجه سی هنددن متولد اوغلی عمرو زیدک زوجه اخراسی زینبک زوج آخردن متولده قزی خدیجہنی تزوج ایتمک جائز اولورمی الجواب : اولور .

* *

زید زوجه‌سی هنده اوچ طلاق بوش اول دیسه زید هندی بلاجله تزوجه قادر
اولورمی الجواب : اولماز

* *

زیدک زوجه‌سی هند زیدک منزلدن قاچوب قز قرنداشی زیدک منزله وارسه زید
مهر معجلنی ایفایتمکله هندی مسکن شرعی بولنان منزله کتورمکه قادراولورمی الجواب :
اولور

* *

طلاق :

زید زوجه‌سی هندایله چکشدکده هنده وار یقل کیت دیوب لکن طلاق نیت ایلماسه
هند بوش اولورمی الجواب : اولماز

* *

خلص فتواسی :

زید فلان فعلی اشلرسم عورتم اوچ طلاق بوش اولسون دید کدن صکره زید اول
فعلی اشلمدین زوجه‌سی هندی بر طلاق ایله تطلیق ایدوب عدتی منقضیه اولدقدن صکره
زید اول فعلی اشلوب بعده هندی تزوج ایلسه زید اول فعلی ینه اشلجک شرط منبروره
بناءً هند زیددن اوچ طلاق بوش اولورمی الجواب : اولماز

* *

خلع :

زید مرض موتنده زوجه‌سی هندایله هندک طلیله خلع اولدقدن صکره هندک عدتی
منقضیه اولدین زید فوت اولسه هند زیده وارثه اولورمی الجواب : اولماز

* *

نفقه :

زوجی اولمیان هند فقیره‌نک اوغلی زید موسردن غیری کمسنه‌سی اولماسه هندک
نفقه‌سی زید اوزینه لازمه اولورمی الجواب : اولور
بوصورتده زید هندی بن اطعام ایدرم و کندوسنه مستقلاً بشقه‌جه برشی ویرمام
دیه زیدک بوکلامی ملتفت‌ایله اولورمی الجواب : اولماز

* *

زوجی اولیان هند فقیر نك اناسی زینب معسرہ ایلہ باباسنك لابوین خالی زید موسردن
غیری کمنہ سی اولماسہ هندك نفقہ سی زینب اوزرینہ لازمہ اولیوب یالکز زید اوزرینہ
لازمہ اولورمی الجواب : اولور .

★
★ ★

زید و هند صغیر و فقیر لر اولوب زمن اولیان بابا لری عمرو معسر ایلہ عمروك خالی
بکر موسردن غیری کمنہ لری اولماسہ بکر عمرو رجوع ایتک اوزرہ زید و هندی
اتفاقه مجبور اولورمی الجواب : اولور .

★
★ ★

زید اوغلی عمرو صغیر فقیری بلانفقہ براقوب آخردیازہ کیدوب خر جلق دخی
کوندرماسہ زیدك باباسی بکر موسر زیدہ رجوع ایتک اوزرہ صغیر مزبوری اتفاقه مجبور
اولورمی الجواب : اولور .

★
★ ★

کار وکسبه قادر اولوب طلبه علومدن اولیان زید کیرک نفقہ سی باباسنك آناسی
هند اوزرینہ لازمہ اولورمی الجواب : اولور .

★
★ ★

زید ^{مراجعة} زوجہ مدخول بهاسی هندی طلاق رجعی ایلہ تطلیق ایتدکدن صوکره طلاق اخیر
اولمایحق زید هنده عدتی ایچنده مراجعة ایدوب تجدید نکاح ایتدین هند ایلہ ازواج
معامله سنه قادر اولورمی الجواب : اولور .

★
★ ★

زید طلاق باین عدتندہ اولیان زوجہ مدخول بهاسی هنده سنی تطلیق ایتدم دیدکدن
صوکره طلاق اخیر اولمایحق زید هنده عدتی ایچنده مراجعة ایدوب تجدید نکاح ایتدین
هند ایلہ ازواج معامله سنه قادر اولورمی الجواب : اولور .

★
★ ★

حضانه :

هند زوج مطاقي زیددن اولوب ایکی اوچ یاشنده اولان صغیر اوغلی عمروی بحق الحضانة تربیه ایدرکن هندفاجره اولمغله اجانب منزله رنده بیتوتت ایدوب صغیری منزله یالکز براتقله ضیاع احتمالی غالب اولوب حاضنه اخراسی اولماسه زید صغیری رأی حاکم ایله هنددن آلمغه قادر اولورمی الجواب : اولور .

* *

زید منکوحه سی هند صغیره طقوز یاشنده اولوب جماعه مطیقه اولمغله زید هندی اناسی وحاضنه سی زیندن آلمغه قادر اولورمی الجواب : اولور .

* *

هندقزی زینب صغیره یی بحق الحضانة امساک اوزره ایکن زینب طقوز یاشنی تکمیل ایدوب مشتهاة اولسه زینبک باباسی زیدزینبی هنددن آلمغه قادر اولورمی الجواب : اولور .

* *

اسلام :

هند غیر مسلمه نك زوجی زید غیر مسلم شرف اسلام ایله مشرف اولدقده زیدك هنددن متولده صغیره قزی زینب باباسنه تبعاً مسلمه اعتبار اولنمق لازم اولورمی الجواب : اولور .

* *

شرکت :

زید باباسی عمروك عیالنده ایکن عمروه کار وکسبنده معاونت ایدوب بر مقدار مال حاصل اولسه زید اول مالد عمروه مشارکته قادر اولورمی الجواب : اولماز .

* *

وقف :

بروقفك مستغلاتی تعمیره محتاج اولوب لکن وقفده مساعدده اولوب رقبه یه احتیاج یوگیکن متولی مرتزقه نك وظیفه لرینی رقبه ایتمک قادر اولورمی الجواب : اولماز .

* *

وکالت :

زید ملک منزلی بیعه عمروی توکیل ایتد کد نصکره عمرو منزل مزبوری بیع ایتدین
عمروفوت اولسه عمروک ورثه سی وکالت مرقومه یه بناء منزل مزبوری بیعه قادر اولورلرمی
الجواب : اولمازلر .

★
★ ★

زید بیع و شرا و خصومت کبی بعض خصوصاته عمروی توکیل ایتد کدن صوکره
قاضی سفهندن ناشی زیدی حجر ایلسه عمرو وکالت مزبوره دن منعل اولورمی الجواب :
اولور .

*
* *

اجاره :

زید عمروی بر مصلحتنی کورمک ایچون شو قدر اچیه اجاره صحیحه ایله استیجار
ایدوب عمرو دخی اول مصلحتنی کوروب زید اجر مسمانی همروه ویرد کده عمرو راضی
اولمایوب اجر مسمانن زیاده سنه آلفه قادر اولورمی الجواب : اولمازلر .

*
* *

مرور زمان :

زید متولیدی اولدینی نقود موقوفه دن اوچ سنه وعده ایله همروه شو قدر اچیه
اقراض ایدوب اوتوز بش سنه مرور ایتد کدن صکره زید مبلغ مزبوری عمرو دن دعوی
مراد ایتد کده عمرو مجرد اوتوز بش سنه مرور ایتد کله دعواک مسموعه اولمازدیو زیدی
دعوادن منعه قادر اولورمی الجواب : اولمازلر .

*
* *

اقرار :

زید صحتده یدنده اولان منزل ایچون قز قرن داشم هند کدر بنم علاقم یوقدر دیو
اقرار ایتد کدن صکره زید فوت اولسه ورثه سی اقرار مزبوری طو تمیوب منزل مزبوره
مداخله یه قادر اولورلرمی الجواب : اولمازلر .

*
* *

هبة :

زيد صحته ملك منزلى هبه وتسليم ايتدكدن صكره زيد فوت اولسه زيدك
ورنهسى هبىنى طوتماغه قادر اولورلرى الجواب : اولمازلر .

★ ★

زيد صحته ملك منزلى صغير اوغلى عمروه سنتلك نامنه هبه واعلام واشهاد ايتدكدن
صكره زيد فوت اولسه سائر ورنهسى هبىنى طوتماغه قادر اولورلرى الجواب : اولمازلر .

★ ★

كراهيه واستحسان :

زيد اعوذ وبسملة ايله قرآن كريمى تلاوته باشلايوب ترتيب اوزره بلافاصله او قوركن
سوره لرك اوللرنده اعوذ او قومايوب سورة توبه دن باشقه سوره لرك اوللرنده يالكز بسملة
شريفه ايله اكتفا ايلسه مشروع اولورمى الجواب : اولور .

بو صورتده زيد سورة انفالك آخرنده قرائتى قطع ايتدكدن صكره سورة توبه دن
قراثة بدأ ايده جك اولدقده اعوذ وبسملة ايله بدأ ايتك مسنون اولورمى الجواب :
اولور .

بو صورتده زيد قراثة دولم ايتك نييله سورة انفالك آخرنده مجرد وقف ايتكده
تلاوتى قطع ايتك اولورمى الجواب : اولمازلر .

★ ★

كراهيه :

ما قول شيخ الاسلام دام بابه مرجعا للانام فى امرأة مسلمة تخدم الاجانب مختلطة بهم
هل يحرم عليها ذلك وهل يجب ان تزجر وتعزر الجواب : نعم

★ ★

توت ياپراغيله تربيه اولنان ايپك قوردينك نسيچ ايتديكي قوزاق كونشه القا اولنما دجه
ايپكدن انتفاع ممكن اوليوب لكن اول قوزاق كونشه القا اولدقدده ايچنده حي اولان
قورد هلاك اولسه بوفعل مكروه اولورمى الجواب : اولمازلر .

★
★ ★

قسمت

زيد صحتنده هندی شوقدر آچه مهر مؤجل تسميه سيله تزوج ايتدكدن صكره زيد
ديونى تركه سندن ازيد اوليغى حالده فوت اولسه هند مهر مذكور ايله قسمت غرماده
داخله اولورمى الجواب : اولور .

★
★ ★

وصيت

زيد جمله مالى ازادلوسى عمروه وصيت ايتدكدن صكره زيد مصرأ فوت اولوب
تركه سنى ورثه سى قبض ايلسه لر عمرو تركه نك ثلثنى ورثه دن آلمغه قادر اولورمى الجواب :
اولور .

★
★ ★

ارث

زيد متوفانك زوجه سنى هنده اولان مهر دينى ادا تركه سنى بين الورثه قسمت اوزرينه
مقدم اولورمى الجواب : اولور .

★

تبعه دولتعليه اسلاميه دن زيد مسلم فوت اولدقدده زيدك تبعه اجنيه دن اولوب مسلمان
اولان ورثه سى زيدك ميراثندن محروم اولورلرمى الجواب : اولمازلر .

★
★ ★

هند فوت اولوب اوغلنك قزى زينى ولا بوين عمى اوغلنك اوغلى زيدى ترك ايتدكده
تركه هند مزبورلره سويلا ويرلسه صحيح اولورمى الجواب : اولور .

بوصورتده هندك عمى قزلرى دخى هنده وارثه اولورلرمى الجواب : اولمازلر .

★
★ ★

دیقران فوت اولوب لایون قزقانداسی ویرکینک اوغلی حایق ایله ویرکینک قزلری ارمانوی ورافینی ترک ایتدکده دیقرانک ترکه سی درت سهمدن اولوب ایکی سهمی حایقه برر سهمی ارمانوی ورافینی ویرلسه صحیح اولورمی الجواب : اولور .

بو صورتده دیقرانک خالی اوغلی دخی دیقرانه وارث اولورمی الجواب : اولور .

تبعه دولت علیه اسلامیه دن اولان اقیم فوت اولوب هربری تبعه مشارالیه دن لایون قز قزقانداسی اوغللری واسیل وخرلامبوس و آخر لایون قز قزقانداسی قزی صوفیه یی و دیگر قز قزقانداسی قزلری اناستاسیا وتئودکیسی ترک ایتدکده اقیمک ترکه سی بدی سهمدن اولوب ایکیشر سهمی واسیل وخرلامبوسه برر سهمی صوفیه و اناستاسیا وتئودکیسه ویرلسه صحیح اولورمی الجواب : اولور .

بو صورتده اقیمک تبعه اجنیه دن اولان قزقانداسی اولادی دخی اقیمه وارث اولورلرمی الجواب : اولمازلر .

هند فوت اولوب زوجی زیدی ولام قزقانداسی قزی زینی و لایون ار قزقانداسی قزلری خدیجه ورقیه یی ترک ایتدکده ترکه هند یکرمی درت سهمدن اولوب اون ایکی سهمی زیده ایکی سهمی زینه بشر سهمی خدیجه ورقیه ویرلسه صحیح اولورمی الجواب : اولور

زید فوت اولوب آنجق باباسنک لایون عمی اوغلی عمروی ترک ایتدکده عمرو ترکه زیدی احرازه قادر اولورمی الجواب : اولور .

بو صورتده زیدک عمه سی اولادی دخی زیده وارث اولورلرمی الجواب : اولمازلر .

زید فوت اولوب زوجه سی هندی و لایون خاله لری زینب و خدیجه یی ترک ایتدکده ترکه زید سکز سهمدن اولوب ایکی سهمی هنده اوچر سهمی زینب و خدیجه یه ویرلسه صحیح اولورمی الجواب : اولور .

بو صورتده زیدك عمی قزی دخی زیده وارته اولورمی الجواب : اولماز .

* *

هند فوت اولوب زوجی زیدی ولابوین خالهسی اوغلی عمروی ترك ایتدكده تركه
هند منبورلره سویا ویرلسه صحیح اولورمی الجواب : اولور .

بو صورتده هندك خالهسی اوغلنك قزی دخی هنده وارته اولورمی الجواب : اولماز .

* *

زید معتق فوت اولوب آنجق حره اولان قزی هندى ترك ایتدكده هند تركه زیدی احرازه
قادره اولورمی الجواب : اولور .

بو صورتده زیدی آزاد ایدن عمروك قزی دخی زیده وارته اولورمی الجواب :
اولماز .

* *

هند فوت اولوب لابوین عمهسی زینبك اوغلی زیدك اوغلی عمروی وزیدك قزی
خدیجه بی وزینبك قزینك اوغلی بکری ترك ایتدكده تركه هند اون بش سهمدن اولوب
سكز سهمی عمروه درت سهمی خدیجه بیه اوچ سهمی بکریه ویرلسه صحیح اولورمی الجواب :
اولور .

* *

تبعه دولتیله اسلامیه دن اولان سواستی فوت اولوب هربری تبعه مشارالیه دن اولان
لابوین عمهسی قزلی ماریونغه واترپویی و لابوین خالی قزلی مرسینه و خریسی
وملیویی ترك ایتدكده سواستینك تركهسی طقوز سهمدن اولوب اوچر سهمی ماریونغه
واترپویه برر سهمی مرسینه و خریسی وملیویه ویرلسه صحیح اولورمی الجواب : اولور .

بو صورتده سواستینك هربری تبعه اجنیه دن اولان لابوین عمهسی اوغلی ولابوین
خالی قزی دخی سواستی به وارث اولورلری الجواب : اولمازلر .

* *

ایمه فوت اولوب باباسنك لابوين خالهسی اوغللری اراقروس وتیمترکی و باباسنك آخر
لابوين خالهسی قزی بیاتریقی -ك ایتدکده ایمه نك ترکهسی بش سهمدن اولوب ایکیشر
سهمی اراقروس وتیمتریکه بر سهمی بیاتریقه ویرلسه صحیح اولورمی الجواب : اولور .

*
**

هند فوت اولوب زوجی زیدی و لابوين خالهسی اوغلی عمروی ترك ایتدکده
ترکه هند مزبورلره سویا ویرلسه صحیح اولورمی الجواب : اولور .

*
**

خرستو فوت اولوب لابوين خالهسی قزلری انکه ليقو واوزینه یی ترك ایتدکده
خرستونك ترکهسی مزبورلره سویا ویرلسه صحیح اولورمی الجواب : اولور .
بوصورتده خرستونك خالهسی قزینك اولادی دخی خرستویه وارث اولورلرمی الجواب :
اولماز لر .

*
*

فراغ :

زید اراضی امیریه دن سند خاقانی ایله تصرفده اولان تارلایی شو قدر اچقه بدل
مقبوض مقابله سنده عمروه فراغ وتسليم ایدوب لکن اذن صاحب ارض بولماسه فراغ
مزبور معتبر اولورمی الجواب : اولماز .

